



Nuuk 15.maj 2019

UPA 2019/175

Jens Napätök, Partii Naleraq

Maleruagassat atuuttut aqqutigalugit aalisarnerup aqutsivigineqarnerata allangortinneratigut Upernaviup aqutsiveqarfiani qaleralittassiissutit tamakkerlugit aalisarneqarsinnaanissaannik UKA 2019 sioqqullugu qulakkeerinneqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Siullermeernera

Inatsisartunut ilaasortaq Aqqaluaq B. Egede, Inuit Ataqtigiit siunnersuuteqarputit saqqummiullugu, maleruagassat atuuttut aqqutigalugit aalisarnerup aqutsivigineqarnerata allangortinneqarneratigut Upernaviup aqutsiveqarfiani qaleralittassiissutit tamakkerlugit aalisarneqarsinnaanissaannik UKA 2019 sioqqullugu qulakkeerinneq-qullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Avannaani tassalu Upernaviup aqutsiveqarfiani aningaasarsiornikkut inuussutissarsiuut pingaaruteqarluinnartutut inissisimasoq pillugu saqqummiussaqaaravit.

Partii Naleqqaminngaanniit siunenrsuuteqartoq Aqqaluaq B. Egede qujaffigerusuppatsigit siunnersuuteqarninnut, tassa Partii Naleqqammiit pingaartilluinnakkatta ilaannik nunap inuisa aningaasarsiorfigilluagaanut, tassalu aalisarnermut tunngasumik inatsisartut aaliangiiffigisassaannik siunnersuuteqarputit.

Minnerunngitsumik uanga Upernavik pillugu annertuumik ilaasortannngorninniit assertuuteqartarpunga ilaatigut aamma uparuartorniarneqartartumik sooq Upernavik taamatut politikikkut salliutitsigisarnerigiga allat apeqqusersorniarneqartarluni.

Miserratigissanngilara isorliunerusunut ilaalluni Upernavik ukiorparujussuarni ineriartortinneqarsimannginnera, tassalu politikikkut sumiginnagaasimanagera peqqutigalugu sukataartarpunga iluemoorsinnaanngimmat taama annertutigisumik pilliutaajuarnissaa akuersarneqarsinnaanngilluinnarmat. Aalisartoqarfissuuvoq aammalu Qaleraliinnaanngitsut Assagiarsuit, saarulliit, aammalu aasalernerani nipasaat suaalu atorluarneqanngitsut sulii inerisaaffigalugit aningaasarsiorfissat annertuut sumiiffinnut aningaasarsiutaaaginnaratik nunatsinnut aningaasarsiornikkut iluaqutaangaatsiarsinnaasut atorlorluarneqanngillat, taamaammat tamakku aamma pillugit qaqlerisoqartassasoq. Taamaaliortoqaraangat qularutigineqassanngilaq tungitsinniit annertuumik aamma tapersiisassagatta, tapersiisassaagut nalunnginnatsigit pissutsit ukiorpassuarni oqaatsit kusassakkat timitalersorneqartarsimannginneri naammaleqimmat, suuartatoqartariaqarmat taamaaliorpugut, aamma Partii Naleqqamiit nalunngilluinnarparput sumiiffippassuarni allani taama periarfissaqaraluarlutik aamma takuneqarlutik isigineqarlutik tussaaneqarlutik ineriartortitsinissaminnut peqataanissaminnut utaqqiinnartumik periarfissinneqarunik tunitsiveqarnikkut arlaatigulluunniit inerisaaffigineqalerunik.



partii naleraq

Nuuk 15.maj 2019

UPA 2019/175

Jens Napätök, Partii Naleraq

Upernavik aalisarnikkut oqaluattuarisaanera sivikitsuarsuuvooq nunatta sineriaanut allanut naleqqiullugu, tassa 1900-kut naajartulernerani annertusiartulersimalluni naak 1980-ikkut naalernerani aallartissimagaluartoq.

Aalisartoqarpoq Upernavik eqeersimaartunik aasakkut unnuaarullutik aalisartarput sila taarsissaallaraangat aammalu ukiullaraangat kaperlakkaluartoq aalisarnej ingerlaannartarpoq naak pinngortitap killilersuinerani apeqqutaalluni ukiuunerani annikilleriangaartsiararaluartoq.

Qaleralinniarnej maleruagassat kisimik aallaavigalugit aqqissuussisoqarneratigut pisassat tamakkerlugit pisarisalernerneqarnissaanik isumaqartoqassappat ajoraluartumik oqartariaqarpoq tamanna pissutsinik piviusunik ilisimasaqanngilluinnarnermiippoq.

Soorunami eqaallisaasoqartoqartoqartarsinnaavoq, soorlu angallatit piniutigineqartut saniatigu angallatit mikinerusut ikiortigalugit pisassanik aalisartoqarsinnaanera aqutissiuusit ilagisinnaavaat amerlanerusunik pisaqartoqarluni tulaassisoqartarsinnaanera, aamma angalatseqartut amerlanngimmata ataasiaakkaat tamanna periarfissasioqqullugu noqqaassutigisaraluarpaat, ajoraluartumilli tusaaneqarpiarataratik, taamaammat manna iluatillugu susasaqartut qanimut suleqatigilluinnarlugit tamatuma ilaatigut aqqiiffiginiarnissaa kaammattuutiginaqaaq.

Aporfiit annersaasa ilagaat talittarfeqarnikkut aqqissuussaanerit ajorluinnarnerat, taamaasilluni sukkanerusumik tigooraasinnaanerigaluaq ajoraluartumik ima ajortigaaq allaat sivosoorujussuarmik ilaat utaqpeqqaartariaqartarput tunisiniarsaralutik, piffissaq aalisarnermut atorineqartussaagaluaq taamaasilluni annaaneqartarluni talittarfeqarnerup avatangiisai naammaginngilluinnartumiimmata sumiiffini tamani. Taamaammat talittarfeqarnikkut aqqissuusseqqinnissat pingaaruteqarlunnartut ilagaat pitsaannerusumik eqaannerusumillu aqqiisoqarnissaanut.

Qaqitsiveqarnikkut pissutsit aamma ajorluinnarput aqqissuussifigineqarnissaat tulleriaarinikkut pisariaqarlunnartut ilagaat. Ilumorsinnaanngilarmi kujavartertuartariaqartut Aasiannut arlaannulluunniit angallatit iluarsaanissaannut aamma tamanna annertoorujussuarmik piffissamik tiguisarpoq aalisarnermut piffissaq atugassaraluaq annaaneqartarluni.

Tunitsiveqarnikkut aqqissuusseqqinnerit ukiuni amerlavallaarujussuarmut aqqiiffigineqartararik ingerlarusaarsimaneri aamma qaleralittassat tamakkerneqartannginnerinut peqquataaqataasut ilagilluinnarpaat.

Aalisartut eqeersimaanermikkut ilaanni kilometererpassuit atorlugit tunisiartortaartarput, ilaatigut imaq peqqarniissinnaasoq angalaarfigisarlugi useqangaatsiarlutik. Tassa taamaaliortarneranut peqquataasut aporfiit aqqissuussiiffigineqartarsimanninneri peqquataalluinnarput.

Fabrikkut mikivallaartut qerigasuartitsivii ima arritigisarput aasakkut aalisarluarleraangata aalisartut tuniserusukkaluartut tunisituaraangamik oqarfigineqartarput aatsaat ullut amerlasoorujussuit qaangiuppata tuniseqqqissinnaasut fabrikkimi ingerlatsinermi malinnaasinnaannginneq peqquutigalugu.



partii naleraq

Nuuk 15.maj 2019

UPA 2019/175

Jens Napätök, Partii Naleraq

Qerigasuartitsiviit ullutsinnut naleqqukkunnaarsimasut arriippallaarnerujussui peqqutaallutik ukiorpassuannortuni taamatut inissisimasoqarsimavoq, tamakku piaarnerpaamik aaqqiissuussiffiqineqariaqarlunnartut ilamininnguaraat aalisartut sukkanerusumik pitsaanersumik tunisisarnermikkut aaqqiissuussiffiqineqarnissaanut.

Toqqorsiviit aamma pingaaruteqartorujussuupput ajorluinnartumik ullutsinnut naleqqutinngilluinnartumik inissittarneranut, ukiorpassuannortuni toqqorsiviit ulikkaajaartarneri peqqutaallutik qaammaterpassuit aalisarnej uninnatinneqartarpoq.

Sumiiffiit ilaanni ingammik Nuussuaq aamma Upernavik kujalleq minnerunngitsumik Kangersuatsiaq tunitsiveqarnikkut aaqqiissuussiffiqeqartanninnerat pitsaanerusumik taakkartukkat talittarfeqarnikkut allatigullu aporfiit saniatigut aamma pisassat tamakkerneqartanninneranut peqqutaataasorjussuit ilagaat.

Tunisassiorfiit taakkulu avatangiisai ullutsinnut naleqqussartuartaqarput

Tamakku tamaasa aaqqinneqannippata Aalisarnermut ataatsimiititaliaq qanorluunniit sulitigigaluarpat tamakku aaqqinneqannippata inerisarnejannippata susoqarnaviannigilaq taamaammat tamakku piaartumik aaqqiissuussiffiqineqartariaqarlunnarput taakkartukkagut aamma periarfissat iluatillugu taakkartortaratigit ilaatigut uparuarniarnejartarpugut soq taakkartuinnaavinnersunga Upernavik pillugu, taamaaliorpugut taakkartortarpagut takusinnaagatigut aaqqiiffiqineqarunik annertuumik tunisasiornikkut iluaqutaasussaasut aammalu minnerunngitsumik aalisartunut iluaqutaangaatsiartussaasut nalunnginnatsigit taakkartortuarpagut, aaqqitassat amerlangaarmata ukiorpassuarni politikikkut inerisaarnermut sumiginnagaasimangaarmata aali taakkartugassarpasuit ilaannaat, aamma sineriammi nunap inuisa najugaqarfiini allarpasuarni maannakkut killiffik ilungersunarluunilu ajoraluartumik taamaappoq.

Kangersuatsiarmit ukiorpassuannortuni peqataatinneqarusullutik anngussissajoorput aalisarnikkut iluaqutaasumik inissiinnaratik aamma tunitsiveqarsinnaanissaminnik noqqaallutik, taakku ajoraluartumik ima maannakkut inissisimalersimaapput allaat fabrikkerisimasaat qaleralinnik tunitsivegeqqusaananani inissisimavoq ukioq 2025-ip tungaanut, ila ullutsinni pissutsit tamakku kukkussutaasimasut aaqqittariaqarlunnarlerput, Naalackersuisut akuleruttariaqalerput aamma maannakkut Naalackersuisuni ilaqalerpusi tamakkuninnga ilisimaarinnittunik piaartumik aaqqissoqartariaqarlunnalerpoq. Siumut ilaasortaataa aamma nunaqarfik taanna tikillattaavaat nunap inui tassani najugaqartut anguttarnikuusaat ilisimavaat, naammaleqaaq piffissanngorpoq taakku aaqqiviginissaat.

Upernavimmi fabrikkiortoqalerpoq tamannalu qujanartumik pitsaanerusumik aammalu unammilleqatigiiffiulluurtumik kinguneqassasoq neriunaqaaq, taamaasilluni aalisartunut atugassarititaasut pitsanngoriarneranik kinguneqarsinnaasoq. Taamaammat maanna sanaartorfissagissaaneq tassalu nunaminertanik illuliorfissanik allanillu ineriartoqqinnissamut aaqqiissutissat ukiorpassuannortuni uninngaannarluni ineriartoqqinnissamut aporfiit annertuut ilagilersimasaat Naalackersuisut aaqqinniarnissaanut peqataaffiginerusariaqalerpaat kommuni



partii naleraq

Nuuk 15.maj 2019

UPA 2019/175

Jens Napätök, Partii Naleraq

suleqatigalugu. Taamatummi ukiorpassuit ajornartorsiutaasimasooq kommunitum miloriutiinnavissinnaanngilaat peqataaffigisariaqarpaat aaqqiiffiginissaat

Qassusersortarneq aamma piaartumik nalilersorluartariaqarluinnartut ilagaat, umiatsiaararsortut amerlanerungaarput, taakkulu ningittagarsorerupput angallasersortut qassersorerusarput, taakkulu aamma ingammik ukiuunerani siku ukiuni kinngullerni akunnattarnerani tunisassiorfinnut tunioraanerpaajusarlutik, taamaammat umiatsiaararsortut ilanngullugit inooqataaffigisinnaasaannik.

Titarnerit avataani pisassiiffiusut Naalakkersuisut atorunnaarsinniarpaa, imaluunniit qanoq iliuuseqarluni aaqqiiffiginiarneqarpat? Titarnerit Naalakkersuisut atorunnaarseqqinniarpaa, taamaaliortoqarniarneranni suna anguniarneqarpa?

Sumiiffikkaartumik nungusaataanngitsumik akisussaassuseqartumik ingerlatsisoqarnera qanoq qulakkeerlugu aaqqiiffigineqarniarpa titarnerit atorunnaarsinneqassagaluarpata?

Umiarsualiisarnerit Upernaviup avannaani nunaqarfiit ilaannut titarnerit innarliisarsimapput, tamannalu unammilleqatigiinnissamut innarliisarlutik. Soorlu titarnerit peqquaaallutik umiarsualiisimanerigalugit piffissamut aaliangersismasunut pisinnaasimangillat, tamannalu unammilleqatigiinnermut periarfissaagaluanut innarleerujussuutarput nalilersueqatigiilluarluni tamakku piaartumik pitsaanerpaamik aalisartunut iluaqutissartaat aallaavigalugit aaqqissuullugillu iluarsiffiigisartariaqarluinnarput, qulaaniit kisermaassilluni aaqqiisarnerit qimallugit aaqqissuussisarnerit aalisartunut iluaqutaanerpaasussat atuutilertariaqarput.

Aalisarnermut ataatsimiititaliarsuaq utaqqeqqaarneqarniarnera Partii Naleqqamiit isumaqarpugut kinguarsaaqqinnissamut atussallugu pissusissamisuunngilluinnartoq aamma Naalakkersuisuusut kisimik taavalu Naalakkersuisunut tapertaasut kisimik ilaasortaatitaanerat demokratiimik ingerlatsinitsinni isumaqarpugut innarliinerusooq aammalu takutitseqqiinnartoq qulaaniit kisimaassilluni aqutsinermik, tassami illuatungiliuttut partiit pingasuk taama nunatsinni pingaaruteqartigisumik suliap ingerlanerani peqataatinneqannginnerat akuersarneqarsinnaanngilluinnarpoq, taamatut kisermaassilluni ingerlatsineq Partii Naleqqamiit isumaqarpugut unitsilluinnartariaqartoq peqataarusuttut sunniuteqataarusuttut nunatta inui peqataatinneqartariaqarput mattussuunnagit.

Naalakkersuisut suliat ukiorpassuit utaqqisinneqarsimasaat sooq Aalisarnermut ataatsimiititaliarsuup suliaannut utaqqisinneqaaqqissappat, aalisarnermut tunngassuteqartut sumiiffinni nunap inui minnerunngitsumik Aalisartut Upernaviuk eqqaaniittut uani oqaluuserisassami pineqartut sooq peqataatinnerullugit aaqqissuusisoqarniannigila.

Aalisarnermut ataatsimiititaliarsuaq utaqqeqqissagutigu uani qinerisivimmi qanoq iliuuseqarnissaq aammaarluni pisarnertut angusinnaasat killeqartorujussooqittussaapput, tassa ukiorpassuarni



partii naleraq

Nuuk 15.maj 2019

UPA 2019/175

Jens Napätök, Partii Naleraq

amerlavallaalersuni Upernavimmiut neriorsorneqaqattaarnerat naammaleqaaq, maannakkut siunnerfeqarluartumik aamma oqaatsit kusassakkat timitaqanngitsut amerlavallaarsimasut maannakkut amerlanerungaartunik timitalersorneqarneri amerlanerusariaqarluinnarput, ataatsimiititalianut misissueqqissaarnissanik allanillu toqqavilersorlugit kinguarsaqqissanngitsut neriuutigilluinnarparput Partii Naleqqaminngaaniit – qanoq iliuuseqarnissaq piffissanngorsorinarpoq Aalisarnikkut siuarsaanerit pisariaqarluinnarput ukiut amerlavallaat suliat ingerlasimasut timitalersornissai avaqqunneqarsinnaanngilaq, taamaaliorneq aalisartunut iluaqutaaginnaratik aamma nunatta aningaasarsiorneranut iluaqutaanerussammata.

Siunnersuuteqartutut maleruagassat atuuttut aqqutigalugit aalisarnerup aqutsivigineqarnerata allortinneqarneritigut Upernaviup aqutsiveqarfiani qaleralittassiissutit tamakkerlugit aalisarneqarsinnaanissaanik UKA 2019 sioqqullugu qulakkeeqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut taamatut oqaaseqarluta Partii Naleqqamiit kaammattuutigut ilanngullugit Aalisarnermut Piniarnermut Nunalerinermullu ataatsimiititaliami sukumiisumik aaqqiigasuarnissamik suliaqarnissaanik kaammattuuluta ingerlatseqqipparput

Qujanaq